

卷十六

藝文志

詩外編

詩內編

康乾詩聯

德縣志卷十六

藝文志

詩外編

詩內編

附康乾詩聯

詩外編

陵州

元陳基

曉出陵州南盡行泥淖中一步一踟躕四顧心忡忡牽車者誰子自言業爲農頻歲值大水田廬爲之空家有白髮親日食憂不充辛苦事商旅庶以供殮饗維人生兩間所貴親愛鍾貧賤苟知養奚必祿位豐丈夫畏天命敢不哀人窮生世苦不偶何由恤瘝痾

陵州五言律

元葛邏祿廼賢

日落陵州路沿流古岸旁泊舟人自語聽雨夜偏長過客愁聞盜荒村久絕糧何人肯憂國得似董賢良

913.712
2423
16

登記號 67005

37年2月21日

德縣志 卷十六
子弟新軍屯德州候車駕七言律

明王直

平原十里候鑾旌繞郭新屯十萬兵
慣著短衣來小市常騎驕馬過孤城
營前舞劍春風暖帳下酣歌夜月明
自是太平無戰鬪少年何處可橫行

蘇祿王墳

明寧河

花謝紅香颺曲溪藤枝深護小堂低
春風細草埋翁仲夜雨空梁落燕泥
萬里海天愁思迴百年蘇祿客魂迷
多情惟有芳林鳥不爲淒涼依舊啼

德州舟中

明程敏政

出逢漕舟來入逢漕舟去聯檣密於指
我舟無著處沿流或相妨百詬亦難禦
有如暴客至中夜失所據平生凡幾出
苦口戒徒御忍後

莫爭先寧緩勿求遽今茲畏簡書刻日覲當宁而况河防嚴衣冠重
相懼危坐鬱成晚少寢驚達曙蕭蕭傍水村隱隱隔城樹緬懷古賢
哲高臥得深趣愧我行路難推篷賦長句

送張祐之監德州倉

明羅 玘

郎吏頭漆黑心有大機軸司徒眼如電晨降檄一幅入門絕經營已
飭車轆轤老父坐車上橫身任爲僕幸逢德州程九水一日陸船頭
魚潑潑船尾鷗逐逐晉人不知船老覺船是屋且令買魚烹更欲伴
鷗宿公衙幸少休可報酒初熟玉浮暑池歎金泛秋籬菊我能捐千
金誰有愛日當么麼爾委吏自束縮腸腹慎勿莽饕餮人自念鞠育

過德州弔鄒蘆南

明胡纘宗

不見蘆南子新詩海內傳充囊空彩筆絕壁有瑤篇岱嶽春雲薄秋

河暮雨懸忽看阡上石含淚獨潛然

暮抵德州城下

明 于慎行

瞥見漳河水燕齊兩界分郡樓融晚雪津柳挂殘雲病骨寒應倦鄉音近稍聞明朝看海氣遙禮泰山君

送趙叔鳴監兌德州

明 邊貢

蕭蕭征馬嘶送客過前溪故里別來久家書空復題青山南津道平楚衛河隄它夜幽尋處應知夢不迷

東赴海陵倉移家別帝鄉政繁轉輸地官古度支郎問寢椿庭近廻舟蓼岸香秋來客愁少風景似維揚

過德州寄楊斛山

明 劉魁

纔過滄州又德州綠楊堤畔菊花秋未論秦楚萬餘里且共風波一

葉舟農圃漁樵俱是侶江湖廊廟敢忘憂獨憐腰脚還差健有約同登華嶽遊

贈李明府暫詣廣川奉送景王之國

明 李攀龍

帝寵親王出牧年逢迎東道借才賢郎官舊列星辰上朱邸新開日月邊千乘旌旂分羽衛九河春色護樓船知君不廢鳴琴興應教還操桂樹邊

王太史祖嫡

明 王世貞

太史瑚璉姿葆眞鏐光相與予一談藝瀟灑神俱王傾蓋豈必深慨焉成辨謗蘊藉叔度流縱橫東京上疏草就磨滅苦心將誰向

題安德驛壁

二十年前官柳條春風綠遍德州橋於今禿盡如僧老怪得行人鬢

易彫

上巳日晚泊桑園

明歸有光

三月長安春事繁桃花千葉李花單掖垣裊裊多楊柳宮草萋萋似
蕙蘭帝子屬車臨灞水佳人跼履仰晴灘微臣獨向長興路坐對燈

花夜向闌

按歸震川浙江長興令也

過德州

明邵寶

北過臨流郡南來奉使身將憐初領地

守備桂勇

器問舊藏人

時地中掘得火器若

干獨立金湯險先登矢石親盜平看出獵春草四郊新

德州重過永慶寺

奉使南來又德州僧房還記舊淹留星明北極天初霽

劉瑾已伏誅

風掃

中原霧已收

馬中錫招安劉六劉七

野曠尙餘千里水

餘黨未盡

漕荒應負一年秋

賊燒漕船
隱然慮及
諮詢未盡皇華體賦罷牂羊獨倚樓

衛河舟中

河水日以縮河柳日以黃凜風吹杲日草上餘殘霜漕舟返從北牽
挽何匆忙相逢問前路羣盜勢且張山東數千里何人不奔亡我師
一當百直氣浮劍鋌萬全待時至左次非翱翔我筮遇坤乾方長欣
初陽剝極行見復彼哉孰能當所嗟六合中元氣化痍瘡欲哭復吞
聲短歌不成章

董子讀書臺

明田登

下帷人已去荒草漸高臺

喻嵩

樹老鶴分子

喻世蕃

庭空鳥篆灰

喻文華刊

本賢良當世重道統自天開望國心仍切徵賢詔不來漢廷用枚朔
長歎失真才

蒿原落句云獨有賢良策人稱王佐才有不滿董子意故次韻以刺之

董子祠

明 吳國倫

萬木廣川村蕭蕭古廟存
高粱蟠海氣殘碣臥雲根
日月黃河逝文章漢代尊
卽看荒草色猶似未窺園

安德驛

明 公 翦

前年計偕時匆匆驛樓下
中有達官人叱我令避馬
今年落第歸郵籤貴人假
我亦驅役徒我亦驛中趨
湯沐有厨傳給事有僕夫
須臾登車去見者避於途
大笑憶前事居然一故吾
乃知萬物理榮辱豈足論
役夫夢爲帝溝斷破爲尊
人有貴賤想貴賤何曾眞

晚登廣川樓遂宴於驛亭

明 陳鳳梧

萬里風帆溯晚秋
凌雲更上廣川樓
天空落木千山遠
水盡寒潭一鏡浮
西漢文章懷往哲
東藩冠蓋記同遊
雙梧亭下一尊酒
素月流

光入賞眸

董子書院

古碑長表讀書臺
祠下秋風點綠苔
道誼兩言垂世教
天人三策致君才
傳從洙泗源流遠
派啟西京治化培
後學瞻依真有幸
肯將功利自相摧

懷蘆南鄒辟君

明蘇祐

山木虛憐賦有枝
雁書不至可無思
百年異姓如兄弟
千里分攜幾歲時
明鏡近增搔雪歎
青山猶負看雲期
蘆花溪水垂綸地
誰與高歌送酒卮

德州道中

明李先芳

城郭依稀浦樹寒
廣川風物日凋殘
渡頭向晚船初泊
驛路經秋泥

未乾野菊黃時非故國塞鴻來處是長安金門多少同遊侶退食誰知行路難

題分司署中繁露堂

明 阮自華

林端澄景霽新秋繁露初成手自讎空抱天人辭北極羞談齊魯變東周月明衛水河梁斷雲起平原海市浮曾道度支閒閉閣風來閭闔思悠悠

自德州買舟北上紀見

明 高 出

茫茫四野水水鳥掠風帆土屋無人閉江艘有使監新魚隨罩得遺穗進桴芟出涕憂無象涼颿拂露衫

秋日寄題程給諫大隱園

明 張嗣誠

卜築城隅賦考槃會心不遠卽林巒買山何用同支遁躡屐還應似

謝安秋水芙蓉尊泛綠幽齋蘭蕙佩生寒當年封事傳青瑣未許江湖老鶚冠

飲盧德水杜亭次原韻七言律

明凌義渠

十載閒居戶屢扃開尊揖客有斯亭如憑俎豆通今古豈止詩文備
典型念子精勤不暫息問余浮惰幾時惺滔滔末俗存孤簡竹石無
言氣自青

哭程大司空

明顧允光

人間一青盼與受俱匪輕苟非其人者志士恒硜硜儻焉蒙受知寧
等悠悠情曩予三十五蕩產遊上京白雪照東魯孤蘆洩其聲不遠
七百里走幣誰邀迎公謂予和璧予曰公韓荆適館始授餐磋磨伯
仲并臨風玉樹皎耐歲青松盟以爾歛溪濤沃我雪酒醒高秋一奏

牘褒爾賢書名撒棘拜坐主師門道相成當時神皇季公猶履艱貞
片言及儲事已分老投耕光廟嗣大寶二紀龍始亨傷哉舊諫草展
也新國楨肯惜區區血而隳冥冥行及乎閭祠興東海方待清金碧
煥天下德州獨與爭幾不免虎啞會當其貫盈州人走相慶賴公全
令評自歎懸車年復得睹清明舜日重沐浴漢寢勞經營曷勦聖人
孝庶竭老馬誠憶公開府日子亦客襄城玉璽納封事紅燭籌邊兵
至今石樓際神氣特崢嶸大節凜不死公壽壽於彭心與衛河白夢
接寒雲平絮酒將鹽鼓聊薦千里羹四朝典型失非止私哀鳴西州
淚一灑白楊悲風生

臥病德州懷呈程魯詹

明 吳麟徵

先朝鮮定命玉璽詎嘉祥訛言淆鹿馬佞舍紛蜩螳巍巍秉鉞臣等

罌仁者剛薦賢吐危詞正氣彌八荒余忝左掖塵步趨奉珪璋寸心
未獲攄俛負齒髮彊一朝頓車徒委絕君子鄉郎君開東閣撫我七
尺僵烟埃辟几榻竹柏羅清涼靜然白日臥轉矚凝幽光感時動殘
魄緬古激衰腸憤此近死軀難置跼續旁飛章上北闕引領歸南航
寸心裊帆席日月同飛揚友朋洵可畏臣疾乃膏盲肯學王徵士取
笑在滎陽

寄廣川準無則七言絕句

明釋魯山

白雲紅樹對離情秋意微芒畫不成吟就新詩書落葉憑風吹過德
州城

桑園七言絕句

清沈嘉客

冰稜纔解日初暄春氣纖毫掠水痕風正帆懸五十里斜陽早已泊

桑園

嘗羅欽瞻酒

清高珩

瑞露天漿總未眞每從德水想清淪
不慚名下如佳士乍對尊前信
故人部署無雙從事好風流第一麴
生親蒲城奢望吾何敢一斗從
君借小春

弔盧德水五言律

清秦松齡

讀杜懷詩叟箋成號寄廬扶衰看老輩
振雅屬吾徒古岸春流疾荒
城落日孤驅車莫悵望遺卷付江湖

方山寄杏村詩用韻却寄七言絕句

清宋瑩

雪滿長安晝掩廬故人馬頰羨幽居卅年契濶緣何事十子風流每
悵如

和王貽上德州銀瓦寺韻

清柳 燾

何年銀瓦寺想像構軒窗聽梵風廻殿談經月淨幢
馴龍飛杖錫慈葦渡人鸞王子題詩地同來吸大江

題謝方山別墅

清王士禎

高原臨馬頰中有謝公村芳樹春連屋清川日在門
人如古漁父地卽桃花源十載長安別心期此重論

題趙怡齋詩卷追悼大木

自失馮遼五見秋腹悲三度過陵州山川不遣英靈盡
又見清吟趙倚樓

題田子益數帆亭

香茅結宇枕清冷午夢初廻驚遠汀何似江南秋色好
數帆亭是落

帆亭

德州羅酒

玉井蓮花作酒材
露珠盈斛撥新醅
清冷錯認康王水
風韻還宜叔夜杯

從謝方山索酒

清宋琬

零落高陽舊酒徒
蕭蕭華髮刺狂夫
那堪重過新豐市
三百青銅近也無

上蕭韓坡夫子

清李振裕

江國掄才日
于今五十年
隱過仕之半
名與德渾全
海鶴寥天迴
沙鷗宿影圓
藏山多祕笈
未許世人傳

矩亭

清顧炎武